

71.

1381 Januar 5

Die Brüder Peter und Nicol Mergental setzen einander als Erben ein.

fol. 12v Anno domini (^aM^o CCC LXXXI^a) vigilia epiphanie Domini quam vor uns in einen vollin rat Petrus Mergenthal und Nicol, sin bruder, unde habin mit wolbedachten mute einer dem andern sine teil sins erbis, daz si mit einander habin ligen in den 14 lehin, daz wir iclichin besunder gelihen habin czu eynen rechten erben.

a-a) über die Zeile geschrieben, ersetzt durchgestrichen M^o quo supra

72.

1381 Januar 17

Clara Schakan vermacht ihren Besitz ihrem Ehemann.

fol. 13r Anno domini quo supra crastino Prisce virginis do quam vor uns in einen vollin rat Clara Schakanin unde hat mit guten willin Johann von Wida, iren elichin wirtin, uf gelazin alle ire gute, di von uns czu lehin gen und (^avor dem^a) von iren mannen unde iren kinden sint angestorbin. Di selbin gute, si sint an ackir oder bie si namen habin, habe wir gelihen dem obgenanten Johann von Wida mit allen den rechten, alz wies si czu lihin habin unde von uns czu lehin gen, zu einem rechten erben.

a-a) am linken Rand, Einfügestelle gekennzeichnet

73.

1381 März 2

Die alte Frau Schakan und das Ehepaar Passek verkaufen Zinsen.

fol. 13r Anno domini M^o CCC LXXXI secundo die mensis Marcii sint vor uns quomen in einen vollen sitzenden rat di alde Schakanyn unde Passek mit siner elichen wirtin und habin Conrad Holczborn mit guten willen vorchauft 18 gr cinsen umbe 3 schoc gr unde haben im gelobet den cins zu entwerren, waz si müglich tun schullin. Der selbe cins ist gelegen uf Knollen ackir. Den selbin ackir hab wir Conrad Holczborn unde alle sine erben gelihen czu einen rechten erbe.